

Hueznan na Curaçao a dicidi

Rumannan Kalpoe ta keda liber y Joran ta keda den detencion

ORANJESTAD(AAN): Diahuebs atardi decision di e hueznan den e casonan di apelacion di e hobennan sospechoso den e caso di desaparicion di Natalee Holloway a bira conoci.

E comunicado cu DIARIO a ricibi for di Ministerio Publico ta bisa lo siguiente: Pa loke ta e apelacion di parti di Fiscal di Ministerio Publico contra rechaso di su demanda pa encarcelacion di Deepak y Satish Kalpoe, a worde dicidi cu e rumannan ta keda den libertad.

E motivacion di parti di e hueznan pa esaki ta cu e circunstancianan bao di cual Natalee a desaparece ta justifica te cu e momento aki, e sospecho cu ta trata aki di un delito grave.

E sospechoso tin den su contra cu corto tempo prome cu e desaparicion e tabata den su compania y cu inicialmente e no a declara e berdad encuanto kico a sosode te e momento ey. Den e faceta cu e caso ta encontra su mes aden, e solo circunstancia aki no ta trece mas cu ne, e objectionnan serio rekeri pa ley cu ta justifica pa continua cu e detencion preventivo. Tampoco tin te e momentonan aki echo y circunstancianan concreto y suficiente di cual por destila cu tin objectionna serio encontra di e sospechoso. E apelacion pues ta sin base. Pa loke ta trata e apelacion di Joran van der Sloot contra di

e orden di su encarcelacion, esaki a worde rechaza, pa motibo cu Corte Comun di Husticia ta di opinion cu e apelacion di e sospechoso encontra di e disposicion di Huez Comisario di 4 di Juli 2005 ta sin base, pa motibo cu e objectionnan serio y e motibonan riba cual e disposicion ta ancla ainda ta vigente.

Ademas en particular ta di importancia pa menciona, cu e circunstancianan bao di cual Natalee Holloway a desaparece ta lanta e justificacion di e sospecho di un crimen grave.

E objectionnan serio cu tin contra di e sospechoso ta cu corto tempo prome cu e desaparicion di Natalee, e tabata den su compania y a duna declaracionnan masha varia riba locual a sosode e momento ey y despues.

E investigacion ta rekeri cu e detencion preventivo ta con-

tinua, pasobra ademas e sospechoso recientemente atrobe a cambia di declaracion y investigacion adicional pa controla e veracidad di e mas recien declaracion, den cuadro di tur e otro declaracionnan di e sospechoso, ta sumamente necesario y sin cu e sospechoso haya e oportunidad pa influencia e investigacion ey.

Pa loke ta trata e apelacion di Fiscal di Ministerio Publico contra suspension di e medidanan di restriccion encuanto Joran van der Sloot, hueznan a declara Fiscal y Ministerio Publico no-admisibel, pa motibo cu ley no ta brinda Fiscal e posibilidad pa apela tal orden duna pa Huez Comisario.

Den e caso di apelacion di Fiscal y Ministerio Publico, contra di e permiso otorga na abogadoan pa ta presente durante di interrogacion di

Joran van der Sloot door di miembronan di cuerpo Policial, e hueznan a declara Fiscal y M.P no-admisibel,

pa motibo cu ley no ta brinda fiscal e posibilidad pa apela tal decision di Huez Comisario.

Indicacion fuerte

Gobierno di Aruba a aboli ley di spearfishing

ORANJESTAD (AAN): Varios persona den mundo di proteccion di medio ambiente, a keda asombra. Nan ta grawata nan cabez pa puntra nan mes, con bin cu Gobierno ta permiti esaki.

E ley pa proteccion di bida marino, aparentemente a worde aboli, pa asina cumpli cu e presion di un grupo cu ta bogando pa hopi tempo caba, pa permiti tiramento di pisca


back na Aruba.

Pero ki imagen e abolicion di e ley di Spearfishing aki por trece pa Aruba internacionalmente? Esey ta loke ya caba algun persona ta puntra nan mes.

Con un Ministro a permiti pa aboli e ley aki, djis pa e por gana un man yen di voto?

Den proximo edicion DIARIO lo bin mas amplio riba esaki.

MEP= MUNDO EXCEPCIONAL DE PERMISO!!



LAS AMERICAS

(Near Burger King)
Playa (Caya Grandi)
Tel: 582-1576



Sandalia / Slop
Antes Afl. 35,=
Awor Afl. 25,=